

四庫全書

史部

欽定四庫全書

欽定皇輿西域圖志卷三十七

封爵

臣等謹按周禮職方氏辨九服九州之外謂之蕃國世宣見蓋言蕃服肆覲非甸男采衛比是以寶貴為贄既不同於輯瑞而宮室車旗命卿立軍之制均未遑及則象寄狄韞所司其不在五等之列明矣漢唐侈語鴻圖徃徃遣使冊封類祇順其國

人所推虛錫名號宋元明以來規模隘狹典制缺如析圭擔爵之榮難與同風域外我

國家幅員廣遠

恩澤普浥蒙古內扎薩克暨喀爾喀青海西藏諸部舊隸藩封自親王郡王以下貝勒貝子公遞為差次其

賜留汗號者視王爵為倍優帶礪光榮久已量侔懔載矣仰惟

聖天子德威遐播式廓西陲乾隆癸酉冬都爾伯特部
伯克策凌策凌烏巴什策凌孟克等款關內面為
準回諸部倡嗣是輝特和碩特鱗集麇至爰乘時
會

簡將帥以新附為前驅當

王師入境伊始壺漿載道綽羅斯諸台吉以巨族率先
迎附雨行風偃不動戈鋌衛拉全疆統歸涵宥迨
乾隆辛卯土爾扈特部復自西北萬里外率屬偕

來由是準屬人民無一不霑醲化統觀慕義歸仁之全局大無外而應自然固已曠古罕倫我

皇上天地為懷班爵錫封其於忠謹壹節從征戮力者

承襲

恩榮世及弗替若回部舊爵之在哈密土爾番者及新附之留依京邸者以前此五年式集兩勲山南城郭諸境胥隸版籍爰並為編載用著衣冠

王會之盛句牘備列九賓無間於殊方遠徼猗歟盛哉

志封爵第十四

欽定四庫全書

欽定皇輿西域圖志卷三十七目錄

封爵一

都爾伯特屬

綽羅斯屬

和碩特屬

輝特屬

土爾扈特屬

欽定皇輿西域圖志卷三十七目錄

欽定四庫全書

欽定皇輿西域圖志卷三十七

封爵一

都爾伯特屬

按四衛拉特次序舊首綽羅斯次都爾伯特和碩特土爾扈特因土爾扈特他徙附以輝特茲叙封爵以都爾伯特歸誠最先忠謹自保爰為首敘次及綽羅斯和碩特輝特平定西域後十

年土爾扈特來歸故敘於後於是新舊四衛拉特始全至都爾伯特台吉策凌首先內附特封汗號為聞風歸來諸部倡至今承襲罔替其綽羅斯部之噶爾藏多爾濟和碩特部之沙克都爾曼濟輝特部之巴雅爾雖同時封汗而潛因攜貳自即誅夷汗號並除若土爾扈特部之渥巴錫則嘉其遠域歸順且係舊汗阿玉奇之後俾襲汗號而錫以新名用昭優異為按屬分編

詳注各條下以備考其親王郡王貝勒貝子公
諸爵以次遞敘父子兄弟承襲者各隨條接叙
為例云

乾隆十八年冬準噶爾都爾伯特部台吉果凌等
率衆內附十九年五月

覲於熱河

詔封爵宴賚有差均授為扎薩克俾還安游牧移其部

於阿爾台

今改對音
阿勒坦

山北凡都爾伯特部先後受

封及襲封者脩登如左

策凌初封和碩親王加雙俸晉封特古斯古魯克

汗卒子索諾木古木布襲封

策凌烏巴什初封多羅郡王晉封和碩親王

伯什阿噶什封和碩親王

納默庫初封多羅郡王晉封和碩親王

策凌孟克初封多羅貝勒晉封多羅郡王卒子巴

雅勒當襲封卒弟伯斯和勒襲封

色布騰封多羅貝勒加郡王品級卒子巴桑襲封

多羅貝勒

巴圖博羅特封多羅貝勒

剛多爾濟封多羅貝勒

喇嘛扎布封多羅貝勒

根敦封固山貝子

洛壘原端封固山貝子

額爾得尼封固山貝子

班珠爾封固山貝子卒嗣子奇達襲封

布圖克森封固山貝子

孟克特木爾封固山貝子

瑪什巴圖初封輔國公晉封固山貝子

烏巴什封固山貝子

達木巴都噶爾封固山貝子

巴圖孟克封輔國公

剛封輔國公

布顏特古斯封輔國公卒子塞楞襲封

孟克博羅特封輔國公

按諸藩列爵舊制和碩親王多羅郡王多羅貝勒固山貝子鎮國公輔國公凡六等有

賜稱為汗者視王爵加優志

特恩也茲準噶爾新附封爵無鎮國公自親王以下及優封汗號如舊制綽羅斯以下諸屬同

綽羅斯屬

乾隆二十年三月準噶爾綽羅斯部台吉噶爾藏
多爾濟等率屬內附九月

覬於熱河

詔封爵宴賚有差均授為扎薩克十一月達尼齊俘至
宥罪加

恩備藩京邸澤及世嗣為臚叙於左

噶爾藏多爾濟封綽羅斯汗為扎那噶爾布所殺
達尼齊封和碩親王卒長子羅布扎降襲多羅郡

王以罪除次子富塔喜降襲多羅貝勒

諾爾布林沁封多羅郡王

扎那噶爾布封多羅貝勒以叛誅

碩爾錐音初授騎都尉世職晉封輔國公以罪除

哈薩克錫喇初授騎都尉世職晉封輔國公以罪

除

布庫察罕封輔國公以叛誅

尼瑪初授騎都尉世職封輔國公以叛誅

薩拉爾封一等公晉號超勇以罪除後復封超勇
伯卒子玉魯斯襲封以罪除

瑪木特封三等公晉號信勇

按外蕃錫封舊無伯爵薩拉爾以軍功承曠典
在五十功臣列繪像

紫光閣並荷

睿裁製贊邀榮尤至云

和碩特屬

乾隆十九年七月準噶爾和碩特部台吉班珠爾等率屬內附十一月

覲於熱河

詔封爵宴賚有差均授為扎薩克二十年九月台吉沙克都爾曼濟等入

覲亦封爵有差三十六年台吉公格巴延楚克等隨土爾扈特部來歸並蒙

恩錫為彙著於編

沙克都爾曼濟封和碩特汗以罪誅

班珠爾初封多羅郡王晉封和碩親王

圖們封多羅貝勒以罪誅

諾爾布敦多布封多羅貝勒卒子博爾和津襲以

罪除

公格封多羅貝勒卒子德勒克渥巴錫襲封

納噶札初封輔國公晉封固山貝子卒弟達克巴

降襲輔國公卒弟巴爾濟襲封

巴延楚克封固山貝子

色布騰封輔國公

諾爾布封輔國公卒子達瓦藏布襲封

諾爾布敦多克封輔國公

達瓦封輔國公卒弟巴雅拉呼襲封

按沙克都爾曼濟於投誠受封汗號後命為盟

長居全部於巴爾庫勒其子圖們亦率屬由裕

勒都斯來歸並加封賚沐

恩深至自應恭順倍加以異永邀

渥澤廼際準夷餘孽擾亂之餘漸彰窺伺驕蹇之狀在

事臣工仰承

睿照先事防閑因形迹之可疑折萌芽於未發應機立
斷並就誅夷雨露雷霆隨物以付眎大造之因
材而篤夫豈有異理歟

輝特屬

乾隆十九年七月準噶爾輝特部台吉阿睦爾薩

納等率衆內附十一月

覲於熱河

詔封爵宴賚有差均授為扎薩克二十年九月巴雅爾等入

覲亦封賚有差

阿睦爾撒納封和碩親王加雙俸護衛倍添子封世子尋以叛除伏冥誅

巴雅爾封輝特汗以叛誅

齊木庫爾初封多羅貝勒晉封多羅郡王卒子策
卜登多爾濟襲封以罪除

扎木參封多羅貝勒

普爾普初封固山貝子晉封多羅貝勒以罪除

德濟特封固山貝子以罪除

克什克封固山貝子以罪除

和通額墨根封輔國公卒子瑪瑪襲封

根敦扎布封輔國公

古木扎布封輔國公

巴桑封輔國公以罪除

布魯爾封輔國公

按四衛拉特台吉於乾隆甲戌乙亥間先後歸

誠我

皇上渥典普加原無異視始意分封四汗固將槩予矜
全乃阿睦爾撒納覬為總台吉不果負

恩背叛無復人心而綽羅斯和碩特輝特諸台吉大都

狙詐反覆自即淪夷惟都爾伯特屬堅心內面
始終一節以忠謹獨存由是爵過於朝賞延以
世實與

大造同此悌懷而中外初無岐視也若達瓦齊未抗顏行
以降王儼藩邸第而識時早歸之薩拉爾則嘉
其從征戮力俾功存旂鼎貌炳丹青

聖主栽培矜宥之權衡有超出尋常萬萬者而諸人得
仰沐

恩榮垂芳

盛世是又千載一時之厚幸也夫

土爾扈特屬

準噶爾土爾扈特部為舊四衛拉特之一其汗和
鄂爾勒克當巴圖魯渾台吉時與三衛拉特不和
率其子書庫爾岱青西北去居俄羅斯之額濟勒
地其曾孫阿玉奇留居故地後書庫爾岱青自西
藏還以阿玉奇去時策妄阿拉布坦復逐其子散

扎布歸額濟勒其地南限哈薩克東阻俄羅斯久
慕

國家聲教不得通及阿玉奇子敦魯布喇什為汗時
於乾隆十九年遣使假道俄羅斯二十一年達中
國朝

京師

賜宴並令赴西藏熬茶三十六年其汗渥巴錫率屬內

附

覲於木蘭隨圍觀獵復隨至

山莊

詔封爵錫賚有差如都爾伯特諸部例云

渥巴錫封土爾扈特卓里克圖汗卒子策凌納木

札爾襲封

策伯克多爾濟封和碩親王

舍楞封多羅郡王

巴木巴爾封多羅郡王卒子策楞德勒克襲封

謨們圖封多羅貝勒

旺丹封固山貝子

奇布坦封固山貝子

額墨根渥巴錫封固山貝子卒子公坦襲封

沙拉扣肯封固山貝子

拜濟呼封輔國公

按土爾扈特渥巴錫等以其部衆三萬餘戶行

經萬有餘里不藉招徠歛關內附我

皇上錫爵分封給廩餼資耕收綏遐柔遠無隱弗周由
是四衛拉特均隸臣僕垂無外之鴻業洵非人
力所及幾者矣同時受貝勒貝子封者和碩特
台吉公格巴延楚克析係前和碩特屬條以清
部居茲不複載

御製至避暑山莊日都爾伯特台吉策凌等接見 甲戌
路左傾城候屬車來歸憐遠自員渠識時稱傑惟嘉爾
敷德宥避何有予錫爵都教加袞服賜殮還擬賦嘉魚

一家中外歡言暢底事周官藉象胥

御製流杯亭小宴都爾伯特親王策凌等

甲戌

宛轉清流繞石渠羽觴小宴款康居呼前手賜笑言接
喜可身循禮法初荒略從來事杯飲傾誠那解飾虛譽
裒蹠錦段頒中禁滿載歸教艷拂廬

御製宴都爾伯特親王策凌郡王策凌烏巴什等於萬

樹園詩以紀事

甲戌

萬樹參天煥曙霞穹廬酒醴樂柔遊薰風五月偏含爽

湛露三巡共拜嘉

天與人歸寧可拒茅分爵錫自應加徵招應律歡情洽試

聽編鐘設虞牙

渠搜何必鎮天驕來賀傾誠不憚遙外廐馬為中廐獻

新賓人併舊賓邀

時四十九族扎薩克并青海諸部王公台吉畢集行在皆令入宴

錫自可隨方俗冠服同教式本朝

策凌等入覲後即資以冠服俱從本朝之

制避暑匪今塵惠遠千秋

家法仰

仁堯

御製準噶爾輝特部台吉阿睦爾撒納歸誠信至詩以

識事

甲戌

惠逮條枝宴賚陪

駐避暑山莊賜宴都爾伯特台吉策凌等封以王公等爵命返游牧烏

孫又報挈羣來敢云德化俾苗格信是

天恩致宇恢重賞崇封吾豈靳推心置腹彼何猜山莊計

日應重到

將以冬月復臨熱河晉見施恩

深意當年萬載培

御製至避暑山莊日輝特台吉阿睦爾撒納等接見

甲戌

冬節山莊此重

去聲

尋衝寒為慰遠藩心開疆擴土非吾

志機輳人歸藉

帝臨

朕自登極以來初無用兵意過年準夷內亂篡奪相仍都爾伯特輝特和碩特諸台吉率眾來歸先從接

踵既當為降人籌久長計且實有可乘之機皆藉

上蒼默眷云

迎蹕翹瞻猶弁服詰

朝寵錫易華簪薰風五月員渠宴壁上詩箋一再吟

御製錫封輝特親王阿睦爾撒納等謝恩朝見詩以紀

事

甲戌

初秋款塞柏冬權山館來迎表寸丹

阿睦爾撒納以七月至即請入覲朕

因其未出痘命俟東巡迴蹕至熱河謁見

中國懷柔寧過厚遠人禮數且從

寬卹瞻大典身猶跼得厠親藩意倍歡

阿睦爾撒納同來歸附渠長二

十餘人各錫郡王貝勒公封爵均命為扎薩克與內扎薩克諸藩等

寵示諸侯王上位漢

家終是畏呼韓

御製賜宴輝特親王阿睦爾撒納等詩以紀事

甲戌

黃屋高張宴析支懷音內面後先隨敷文底事稱干羽

施惠何難與解推疆場都欣效奔走

命阿睦爾撒納赴北路軍營以來年

出師意 甚踴躍 衣冠已覺習威儀 來歸諸台吉皆賜冠 晚來燈

景還教預恰值冰輪正滿時

是日仲冬之望

御製即事

甲戌

松塢雲莊往復還新藩三接恰餘閒歸心底限窮邊外

繼踵頻來數月閒

今年兩至熱河五月中歸誠之都爾伯特台吉策凌等迎謁加恩宴齊錫

爵有差比輝特台吉阿睦爾撒納繼至復以冬至後駐山莊受朝錫齊如初頃烏良海宰桑福木特等降附則

因其已出症即于京師見之

便擬皇風挾西海果然積雪看南山

積雪為三十六景之一舊作有留觀直待到深冬之句

蜃牕萬景供吟僥冰磴寒

林懶試攀

御製準噶爾台吉噶爾藏多爾濟歸化信至詩以紀事

乙亥

呼偈披忱寵賜新夙沙交臂又來賓命師底用張三伐

西北兩路所用薩拉爾阿睦爾撒納皆率先降附之準噶爾部衆將軍班第永常董率之而已本欲以餘力衆之故禍牙命將諸典禮皆未舉行安遠惟因恆兆人先是撤論諸部因連瓦齊纂奪肆虐

荼毒諸部出師本意惟以伐罪寧人遠近聞風傾附耕者不變咸慶來蘇正喜捷音來禁苑

還期鞠旅共賢臣水西流處均東面

天佑欽承倍敬寅

御製駐蹕興安綽羅斯台吉噶爾藏多爾濟等來謁詩

以紀事 乙亥

定遠非榮一矢加仰流鱗集不辭遐烏孫歸去新蒙號

鰲得頻來共拜嘉開宴旋當賚黼黻

侯至熱河台新舊諸蒙古王台吉普

加宴賚賜新至者冠服是日先賜鞍馬

危圍先此賜駟殿朝家獵狩應教

預漫擬長楊事大誇

御製命噶爾藏多爾濟諸台吉隨圍即事得句

乙亥

懷惠無勞詠匪茹橐鞬左右聽相於底須叢薜椽為弋

自有新安周作陸子弟三韓善枉矢後先四部讐穿錄

厄魯特四姓又謂之衛拉特四部

山莊指日旋清蹕凱宴還虞零露漙

御製宴噶爾藏多爾濟等即席得句

乙亥

風清日朗好秋時嘉會新藩式燕儀衆建一如扎薩克

悉臣今逮綽羅斯

四衛拉特綽羅斯氏為彼中正派向未內附茲始封噶爾藏多爾濟為綽

羅斯汗其餘王公及扎薩克以次分露滾畢令雷三爵

封一如喀爾喀及內四十九旗之制露占善飲酒而厄魯特為尤甚是

月上仍教閱九枝

是夕

日汗王及諸台吉皆手賜三爵

陳烟火
賜觀

詎我懷柔能致遠

神堯威惠萬年垂

御製都爾伯特台吉伯什阿噶什來覲封為親王詩以

紀事

丙子

來歸就弟兄

前年來歸之策凌策凌烏巴什等其同族弟兄

嚮化慕簪纓不作

逆天黨

伯什阿噶什曾于軍營告逆賊阿睦爾撒納反謀叛逆招之不赴

惟殷捧日誠

用茲嘉乃績便與錫殊榮式戒蜩螳沸永遵帶礪盟

御製萬樹園宴都爾伯特親王伯什阿噶什及土爾扈

特使臣吹札卜即席得句

丙子

碧霄晴旭曉光澄
穹幕高張翠甍甍
禮法不拘從所習
友羣何礙集相仍
捧盈常切予心懼
真遠惟欽

祖德頻萬樹清暉懸

聖日未曾可識昔猶曾

御製萬樹園賜都爾伯特親王伯什阿噶什及土爾扈

特來使觀燈

丙子

鱗集來王有後先
堅昆馳使又踪連
衢尊錫宴前朝洽

寶炬裝燈午夜妍
銀燕火蛾紛樹下
驚麋駭鹿避崖巔
侈觀詎為誇遐屬
曾爽光明示別權

御製宴土爾扈特使臣

丙子

烏孫別種限羅義

土爾扈特亦準噶爾厄魯特也舊為四衛拉特之一曰綽羅斯曰都爾伯

特曰和碩特曰土爾扈特策妄阿拉布坦時與土爾扈特構釁土爾扈特全部西北去乃名輝特為一衛拉特故今土爾扈特南則限於哈薩克東則限於俄羅斯欲至中國必假道於俄羅斯俄羅斯又名羅義云

道崎嶇歲月賒

戊年自彼部起程今始至

天闕不辭欽獻賁雪山何

礙許熬茶

蒙古以詣西藏熬茶為要務故並許之

覆幬誰可殊圓蓋中外

由來本一家彼以誠輸此誠惠無心蜀望更勤澁

御製伊犁將軍奏土爾扈特汗渥巴錫率全部歸順詩

以誌事

有序
辛卯

伊犁將軍伊勒圖等奏土爾扈特汗渥巴錫及其台
吉策伯克多爾濟並舍楞等率其部衆三萬餘戶來
歸先期遣使至伊犁具書通款自言為阿玉奇汗正
系向居俄羅斯地久願為大皇帝臣僕而無機可乘
乃於去冬謀棄舊游牧挈屬內附因自彼逸出行程

萬千有餘里閱半年餘始抵卡倫乞准令入覲以伸
積誠渥巴錫等亦先後來至伊犁察其詞意懇切郵
函以聞先是安泰奏偵知土爾扈特部內附信即遣
額駙色布騰巴爾珠爾往迎之今即諭其偕渥巴錫
等至山莊朝謁而舒赫德亦先所命由烏什馳往蒞
其事者因令代伊勒圖為將軍駐伊犁安輯新附之
衆給以餼贍振其乏也授之牧地資其生也其汗
及台吉宰桑至者將錫宴賚封爵秩而其部衆則量

地分編以居聯其情亦渙其勢也蓋土爾扈特自入
俄羅斯遠阻聲教越今幾六七十年乾隆丙子秋其
汗敦噶布喇什雖曾使人入貢第宴而遣之茲乃不
藉招致全部內屬誠有不期然而然者且準噶爾自
底定以來築城安屯無異中國郡縣今土爾扈特復
隸我藩屬於是四衛拉特之衆盡撫而有之可謂盛
矣然余履泰持盈之念彌以是為兢兢而系之以詩
紀實也其詳分注各句下此則毋庸覲縷矣

土爾扈特部昔汗阿玉奇今來渥巴錫渥巴錫為土爾扈特汗阿玉奇

之孫敦魯布喇什汗子也明背俄羅斯向化非招致頒恩應博施舍

楞逃復返半定伊犁時舍楞曾計害我副都統唐喀祿逃匿俄羅斯彼時即向索取而俄羅斯以土

爾扈特舊係彼屬竟不送還今舍楞既棄波米歸俄羅斯即向我求索亦有辭折之然莫若先以此意令典屬

傳檄示知尤見中國光明正大彼亦合無詞

衛拉昔相忌携孥往海濱準噶爾舊凡四部曰綽羅斯曰都爾伯特曰和碩特曰土

爾扈特為四衛拉特策妄阿拉布坦時與土爾扈特構釁其汗阿玉奇統全部西北去乃以輝特為一衛拉特

而土爾扈特部終焉懷故土遂爾棄殊倫俄羅斯素不奉佛土爾扈

特在彼俗尚不同知伊犂黃教振興因思還歸故土且聞從前投誠之都爾伯特部在此得膺封爵樂業安居遂棄其現居之額濟弗受將為盜初聞土爾扈特來歸勒游牧率屬內附之信議者或以舍擄

前此負罪逃去不宜與衆同受其降余以彼既棄俄羅斯而來若拒而弗納彼退無所歸必為盜抄掠非所以寧我邊圉且恐舍擄不來同行之衆或疑畏不敢前殊非善全之計若俟其既至執而罪之尤非所以昭威信示懷柔也彼既悔罪輸誠則宥其已往益足彰我寬仁而衛拉全部莫非王臣亦從來未有之事又何必過為顧慮乎俾安皆我民從今蒙古類無一不王臣

御製土爾扈特汗渥巴錫等至伊綿峪朝謁詩以紀事

辛卯

通使曾經丙子年

土爾扈特汗敦噶布喇什曾于乾隆丙子秋遣使入貢今其子渥巴錫率

全部歸順更為不期而至者

茲徠統部不期然名編典屬非招致禮

肆鴻臚合惠宣類已全歸衆蒙古峪徵嘉兆信伊綿

是地

舊名布祜圖昂阿乙亥秋噶爾藏多爾濟來朝於此丁丑戊寅哈薩克布魯特歸化其使臣並於此朝謁因名斯峪曰伊綿今土爾扈特全部歸順又無心蜀望猶初適瞻覲于此伊綿者漢語會歸之意也

志丙子宴土爾扈特使且詩有無心蜀望更勤避之句蓋彼時土爾扈特猶遠阻俄羅斯雖有向化之心無

由徑達朕並未嘗稍存奢望即今渥巴錫等棄俄羅斯屬內附亦非有藉招致而徠且準噶爾四衛拉特從此無不隸我臣僕尤始念所不及耳

天與欽承益鞏度

御製萬樹園賜宴土爾扈特汗渥巴錫等即景成什辛卯

汗仍其舊號新綏餘各優封五等施

渥巴錫乃其舊汗
敦普布喇什之子

本應襲汗者茲予封號曰卓里克圖汗其策伯克多爾
濟封為親王舍楞班巴爾封為郡王餘則貝勒貝子各

四公二封
爵有差

契苾詎徒四百帳招搖那藉九夷旗寧餉珍

饌飽以德馬湮蟻醪醉不辭于古為稀今厚幸

天恩

祖烈奉惟寅

御製土爾扈特全部歸順記

始逆命而終徠服謂之歸降弗加征而自臣服謂之歸順若今之土爾扈特携全部捨異域投誠嚮化跋涉萬里而來是歸順非歸降也西域既定興屯種於伊犁薄賦稅於回部若哈薩克若布魯特俾為外圉而羈縻之若安集延若拔達克山益稱遠徼而概置之知足不辱知止不殆朕意亦如是而已矣豈其盡

天所覆至於海隅必欲悉主悉臣為我僕屬哉而茲土爾

扈特之歸順則實

天與人歸有不期然而然者故不可以不記土爾扈特者
準噶爾四衛拉特之一其詳已見於準噶爾全部紀畧
之文溯厥始率亦荒畧弗可考後因其汗阿玉奇與策
妄不睦竄歸俄羅斯俄羅斯居之額濟勒之地康熙年
間我

皇祖聖祖仁皇帝嘗欲悉其領要令侍讀圖麗琛等假道
俄羅斯以往而俄羅斯故為紆繞其程凡行三年又數

月始反命今之汗握巴錫者即阿玉奇之曾孫也以俄
羅斯征調師旅不息近且徵其子入質而俄羅斯又屬
別教非黃教故與合族台吉密謀挾全部投中國興黃
教之地以息肩焉自去歲十一月啓行由額濟勒厯哈
薩克繞巴勒喀什諾爾戈壁於今歲六月杪始至伊犁
之沙拉伯勒界凡八閱月厯萬有餘里先是朕聞有土
爾扈特來歸之信慮伊犁將軍伊勒圖一人不能經理
得宜時舒赫德以參贊居烏什辦回部事因命就近前

往而畏事者乃以新來中有舍楞其人曾以計誘害我

副都統唐喀祿

唐喀祿於戊寅四月偕厄魯特散秩大臣和碩齊率兵追捕逸賊至布古什河

源射舍楞弟勞章札布什而擒之既而舍楞至稱欲投誠請釋其弟唐喀祿雖許而疑其詐欲先擒舍楞和碩

齊云擒之無益不若招之使降越日舍楞詭稱欲入覲

且携衆至唐喀祿益疑之和碩齊復言彼畏我兵威不

敢動移易親莅撫諭之唐喀祿信其言從數人往既至

和碩齊勸各解鞍去索韃俄頃變作唐喀祿遂遇害和

碩齊即降賊尋擒獲伏誅

舍楞乃竄入俄羅斯境

因以竄投俄羅斯者恐其有

詭計議論沸起古云受降如受敵朕亦不能不為之少

憾而畧為備焉然熟計舍楞一人豈能聳動渥巴錫等

全部且俄羅亦大國也彼既背棄而來又擾我大國邊
界進退無據彼將焉往是則歸順之事十之九詭計之
伏十之一耳既而果然而舒赫德至伊犁一切安汎設
偵籌儲密備之事無不悉妥故新授之人一至如歸且
掄其應入覲者由驛而來朕即命隨圍觀獵且於山莊
宴賚如都爾伯特策凌等之例焉夫此山莊乃我

皇祖所建以柔遠人之地而宴賚策凌等之後遂以平定
西域茲不數年間又於無意中不因招致而有土爾扈

特全部歸順之事自斯凡屬蒙古之族無不為我大清國之臣

神御咫尺有不以操先券閱後成悵

志而愉快者乎予小子所以仰答

祖恩益凜

天寵惴惴焉孜孜焉惟恐意或滿而力或弛念茲在茲遑敢自詡為誠所感與德所致哉或又以為不宜受俄羅斯叛臣虞起邊釁蓋舍楞即我之叛臣歸俄羅斯者何

嘗不一再索取而俄羅斯訖未與我也今既來歸即以
此語折俄羅斯彼亦將無辭以對且數萬乏食之人既
至近界毆之使去彼不劫掠畜牧將何以生雖有堅壁
清野之說不知伊犁甫新築城而諸色人皆賴耕牧為
活是壁亦不易堅而野亦不可清也夫明知人以嚮化
而來而我以畏事而止且反致寇甚無謂也其衆涉遠
歷久力甚疲矣視其之死而惜費弗救仁人君子所弗
忍為况體

天御世之大君乎發帑出畜力為優恤則已命司事之臣

土爾扈特部衆長塗疲頓凍餒幾不能自存因命舒赫德等分撥善地安置仍購運牛羊糧石以資養贍置辦衣裘廬帳俾得禦寒並為籌其久遠資生之計令皆全活安居咸獲得所茲不贅記記事之

緣起如右

御製土爾扈特部紀畧

事不再三精覈率據耳食以為實君子弗為也言不求於至是已覺其失護已短而莫之改易君子弗為也必知斯二者然後可以秉史筆以記千載之公是公非余

之為土爾扈特部之紀畧亦疊是而已土爾扈特之初來也蓋嘗詠之詩載之記皆以為始自阿玉奇汗溯而上之荒畧弗可考此亦述向之所聞者而書之而不知其更有所祖非始自阿玉奇茲以其麋至乃得一一詳徵其實為之重記何必隱約弗明以諱吾前言之未精覈哉阿玉奇之父曰棚楚克其祖曰書庫爾岱青其曾祖曰和鄂爾勒克其高祖曰卓立甘鄂爾勒克其高祖之父則曰貝果鄂爾勒克自貝果鄂爾勒克溯而上之實遠不可徵其入

俄羅斯也則自阿玉奇之曾祖和鄂爾勒克于策妄之
祖巴圖魯渾台吉時其時四衛拉特各自為汗無所統
屬又不相和睦和鄂爾勒克因率其子書庫爾岱青等
至俄羅斯之額濟勒地其時阿玉奇尚在襁褓因留巴
圖魯渾台吉處後書庫爾岱青往西藏而回遂向渾台
吉索阿玉奇歸俄羅斯巴圖魯渾台吉為阿玉奇之外
祖以時代計之適相當而阿玉奇汗時其子散扎布台
吉率所屬一萬五千餘戶往投策妄策妄盡留其屬而

逐散札布歸額濟勒則向記所云阿玉奇與策妄不睦亦未為大誤也自貝果鄂爾勒克至和鄂爾勒克皆單傳和鄂爾勒克有子六人一即書庫爾岱青餘三無子其二皆有子孫式微無足傳書庫爾岱青子四二絕嗣其一曰那木策楞四傳而至巴木巴爾今封郡王其一即棚楚克四傳而至渥巴錫今封汗棚楚克之子阿玉奇有子八人其六皆無子嗣其一曰袞扎卜有子嗣今之封親王策伯克多爾濟者其曾孫也袞扎卜乃渥巴

錫之祖沙克都爾扎卜之親弟故其子孫為渥巴錫
近族與沙克都爾扎卜子孫皆隨渥巴錫而來其戶口
之數已見前記茲惟記其始祖所自出並証前之失精
覈而未實者至其重黃教置鄂拓克宰桑之類率同準
噶爾但具體而微蓋準噶爾之紀畧紀其全部之盛衰
而茲土爾扈特之紀畧則紀其世系之詳悉云爾

按西師之役五載歲功始於都爾伯特部三策
凌之投誠而輝特和碩特綽羅斯諸部次第內

附復得久經他徙之土爾扈特部希風仰流心
傾踵接于是山北遐陬無尺土一民不歸

皇化臣等恭請

御製宴土爾扈特使臣與都爾伯特等先後投誠封賚
諸什及歸順記紀畧誌篇敬仰

聖謨廣大

睿旨淵冲本無意于并包自羣歸夫嚮載而又軫其未
經出痘祇令肆

觀山莊凡宴賚

恩榮與內扎薩克中外一脈至封爵自汗王以下如

御製所云汗號新綏優封五等者曠典隆儀皇哉煒矣

非甚盛德孰能當此而無憾者歟

前漢書匈奴傳右賢王犁汗王入日勒屋蘭菴和

張掖太守屬國都尉發兵擊大破之屬國千長義

渠王騎士射殺犁汗王賜黃金二百斤馬二百匹

因封為犁汗王日逐王素與握衍朐鞬單于有

隙即率其衆數萬騎歸漢漢封曰遂王為歸德侯
呼韓邪單于左大將烏厲屈與父呼遯累烏厲
溫敦南降漢封烏厲屈為新城侯烏厲溫敦為義
陽侯 呼韓邪單于款五原塞朝天子于甘泉宮
漢寵以殊禮位在諸侯王上贊謁稱臣而不名
初左伊秩訾為呼韓邪畫計歸漢竟以安定其後
或讒伊秩訾自伐其功常鞅鞅呼韓邪疑之左伊
秩訾懼誅將其衆千餘人降漢漢以為關内侯食

邑三百戶令佩其王印綬 王莽之篡位也建國

元年多齎金帛重遺單于諭曉以受命代漢狀因

易單于故印故印文曰匈奴單于璽更曰新匈奴

單于章 西域都護但欽上書言匈奴南將軍右

伊秩訾將人衆寇擊諸國莽於是大分匈奴為十五

單于招誘呼韓邪單于諸子欲以次拜之使譯出塞

誘呼右犁汗王咸咸子登助三人至則脅拜咸為孝

單于拜助為順單于傳送助登長安咸既受莽孝單

于之號馳出塞歸庭具以見脅狀白單于單于更以
為於粟置支侯匈奴賤官也後助病死莽以登代助
為順單于是時匈奴數為邊寇捕得虜生口驗問皆
曰孝單于咸子角數為寇兩將以聞四年莽會諸蠻
夷斬咸子登于長安市天鳳二年歸前所斬侍子登
及諸貴人從者喪多遺單于金珍因諭說改其號號
匈奴曰恭奴單于曰善于賜印綬封骨都侯當為後
安公當子男奢為後安侯單于貪莽金幣故曲聽之

然寇盜如故當至長安恭拜為須卜單于更始二年
漢遣中郎將歸德侯颯大司馬護軍陳遵使匈奴授
單于漢舊制璽綬王侯以下印綬西域傳初楚主侍
者馮嫪號馮夫人為烏孫右大將妻右大將與烏就
屠相愛都護鄭吉使馮夫人說烏就屠以漢兵方出
必見滅不如降烏就屠曰願得小號宣帝詔詣長羅
侯赤谷城立元貴靡為大昆彌烏就屠為小昆彌皆
賜印綬烏就屠死子拊離代立為弟日貳所殺漢遣

使者立拊離子安日為小昆彌後安日為降民所
殺漢立其弟末振將代時大昆彌雌栗靡小昆彌
末振將刺殺雌栗靡漢欲以兵討之而未能遣中
郎將段會宗立雌栗靡季父公主孫伊秩靡為大
昆彌至元始中卑爰彊殺烏日領以自效漢封為
歸義侯

後漢書西域傳和帝永元八年戊巳校尉索顯欲

廢後部王涿鞬立破虜侯細致涿鞬反擊尉卑

車師

前王名

明年漢遣將兵長史王林討涿靬涿靬北入

匈奴漢軍追擊斬之立涿靬弟農奇為王順帝永

建元年勇

長史班勇

率後王農奇子加特奴及八翯等發

精兵擊呼衍王破之勇於是上立加特奴為後王

八翯為後部親漢候永興元年車師後部王阿羅

多走北匈奴中敦煌太守宋亮上立後部故王軍

就質子卑君為後部王後阿羅多還戊校尉閭詳

許復為王乃詣詳降於是收奪所賜卑君印綬更

立阿羅多為王南匈奴傳永元七年封蘇拔鹿為
率衆王又賜金帛

唐書突厥傳貞觀四年頡利走保鐵山請內屬靖

時李靖為節度使討頡利襲擊之盡獲其衆頡利得千里馬獨

奔沙鉢羅行軍副總管張寶相禽之至京師館于

太僕八年頡利死贈歸義王諡曰荒突利請入

朝突利至禮見良厚輟膳以賜之拜右衛大將軍
封北平郡王食戶七百及為都督太宗敕曰而祖

啓民破亡隋則復之棄德不報而父始畢反為隋
敵爾今窮來歸我所以不立爾為可汗鑒前敗也
我欲中國安爾宗族不亡故授爾都督長為我北藩突
利頓首聽命後入朝死子賀邏鶻嗣帝幸九成宮
突利弟結社率謀反禽斬之赦賀邏鶻投額外乃
立阿史那思摩為乙彌泥孰俟利苾可汗賜氏李
樹牙河北悉徙突厥適故地思摩頡利族人武
德初數以使者來封和順郡王太宗授右武侯大

將軍化州都督統頡利故部居河南徙懷化郡王
又詔左屯衛將軍阿史那忠為左賢王左武衛將
軍阿史那泥孰為右賢王相之雲中者義成公主
所居也頡利滅李靖徙突厥羸破數百帳居之以
阿史德為之長衆稍盛即建言願以諸王為可汗
遙統之帝曰今可汗古單于也乃改雲中為單于
大都護府以殷王旭輪為單于都護默啜自立
為可汗契丹李盡忠等反默啜請擊賊自效詔可

授左衛大將軍歸國公冊拜遷善可汗乃引兵擊契丹會盡忠死襲松漠部落后美其功冊默啜為特進頡跌利施大單于立功報國可汗 高麗莫離支高文簡與跌跌都督思太吐谷渾大酋慕容道奴郁射施大酋鶻屈頡斤苾悉頡力高麗大酋高拱毅合萬餘帳相踵款邊詔納之河南引拜文簡左衛大將軍遼西郡王思太特進右衛大將軍兼跌跌都督樓煩郡公道奴左武衛將軍兼雲中

郡公鵲屈頡斤左驍衛將軍兼刺史陰山郡公茫
悉頡力左武衛將軍兼刺史雁門郡公拱毅左領
軍衛將軍兼刺史平城郡公 茫伽骨咄祿可汗
使右金吾衛將軍李膺持冊為登利可汗 西葉
護阿布思及葛臘哆降以葛臘哆為懷恩王毗伽
可汗妻骨咄祿婆匐可敦率衆自歸封可敦為賓
國夫人西突厥傳江都亂曷薩那從宇文化及至
黎陽遁歸長安高祖降榻與共坐封歸義王闕可

汗

即歸義王弟

有馬三千武德元年内屬賜號吐烏過

拔關可汗

伽那設既立遣使詣闕不敢當可汗

號帝詔鴻臚少卿劉善因持冊號吞阿婁拔利邲

咄陸可汗

努失畢大酋迎伽那設之子畢賀咄

葉護立之是為乙毗沙鉢羅葉護可汗太宗詔左

領軍將軍張大師持節冊命賜鼓纛賀魯已滅

裂其地為州縣以處諸部以阿史那彌射為興昔

亡可汗兼驃騎大將軍崑陵都護領五咄陸部阿

史那步真為繼往絕可汗兼驍騎大將軍濛池都
護領五弩失畢部以光祿卿盧承慶持冊命之阿
史那彌射貞觀中遣使者持節立為奚利邲咄陸
可汗從帝征高麗有功封平壤伯遷右武衛大將
軍及平賀魯乃與步真皆為可汗其後二部人日
離散遂擢彌射子元慶為左玉鈐衛將軍步真子
步利設斛瑟羅為右玉鈐衛將軍盡襲父領及可
汗號元慶累拜鎮國大將軍行左威衛大將軍武

后擅命率諸蕃長請賜睿宗氏曰武更號斛瑟羅
為竭忠事主可汗聖歷二年以斛瑟羅為左衛大
將軍兼平西軍大總管內遷死長安擢子懷道為
右武衛將軍長安中以阿史那為右驍衛大將軍
襲興昔亡可汗安撫招慰十姓大使北庭大都護
四年以懷道為十姓可汗兼濛池都護未幾擢獻
元慶子 磧西節度使突騎施吐火仙之敗始以懷道
子昕為十姓可汗開府儀同三司濛池都護冊其

妻梁國夫人李為交河公主 突騎施烏質勒西
突厥別部也聖歷二年遣子遮弩來朝神龍中封
懷德郡王是歲烏質勒死其子嗚鹿州都督婆葛
為左驍衛大將軍襲封爵 突厥別種車鼻施噉
蘇祿者開元五年始來朝授右武衛大將軍突騎
施都督節拜蘇祿左羽林大將軍順國公進號忠
順可汗於是大首領莫賀達干都摩支二部方盛
攻蘇祿殺之立蘇祿子吐火仙骨噉為可汗殞西

節度使蓋嘉運率石王史王共擊破之吐火仙棄
旗走禽之拔汗那諸國皆降處木昆匐延闕律啜
等諸部皆上書謝明年擢闕律啜為右驍衛大將
軍冊石王為順義王加拜史王為特進嘉運俘吐
火仙骨啜天子赦以為左金吾衛員外大將軍修
義王回鶻傳回鶻首胡祿俟利發吐迷度遣使者
獻款于是鐵勒十一部皆來乃拜吐迷度為懷化
大將軍瀚海都督然私自號可汗兄子烏紇夜劫

殺之擢其子婆閏左驍衛大將軍襲父所領骨

咄祿毗伽闕可汗天子以為奉義王拜骨咄祿毗

伽闕懷仁可汗裴羅

骨咄祿毗伽闕可汗名

又攻殺突厥白

眉可汗拜左驍衛員外大將軍裴羅死子唐延啜

立號葛勒可汗肅宗即位助討安祿山詔進司空

爵忠義王乾元元年冊唐延啜為英武威遠毗伽

可汗次子移地健立號侔羽可汗代宗即位助天

子討賊進收東都河北悉平冊可汗曰頡咄登里

骨咥蜜施合俱錄英義建功毗伽可汗可敦曰婆
墨光親麗華毗伽可敦又以左殺為雄朔王右殺
寧朔王胡祿都督金河王拔覽將軍靜漠公十都
督皆國公可汗欲悉師向塞宰相頓莫賀擊殺之
自立為合骨咥祿毗伽可汗建中元年節冊頓莫
賀為武義成功可汗咸安公主下嫁冊書拜可汗
為汨咄祿長壽天親毗伽可汗公主為智慧端正
長壽孝順可敦貞元五年可汗死子多邏斯立冊

拜愛登里邏汨沒密施俱錄毗伽忠貞可汗為少
可敦葉公主毒死可汗之弟乃自立其大臣率國
人共殺篡者以可汗幼子阿噶嗣詔冊阿噶為奉
誠可汗十一年可汗死無子國人立其相骨咄祿
為可汗以使者來詔冊拜愛滕里邏羽錄沒密施
合胡祿毗伽懷信可汗永貞元年可汗死詔冊所
嗣為滕里野合俱錄毗伽可汗無幾可汗死冊拜
愛登里羅汨密施合毗伽保義可汗可汗死使者

臨冊所嗣為登囉羽錄沒密施句主毗伽崇德可
汗以太和公主下降冊拜為仁孝端麗明智上壽
可敦可汗死其弟曷薩特勒立遣使者冊為愛登
里囉汨沒密施合毗伽昭禮可汗太和六年為其
下所殺從子胡特勒立明年冊為愛登里囉汨
沒密施合句錄毗伽彰信可汗 嗚沒斯率三部
及特勒大酋二十騎詣振武降詔拜嗚沒斯為右
金吾衛大將軍爵懷化郡王以天德為歸義軍即

拜歸義軍使阿歷支寧邊郡公習勿啜昌化郡公
烏羅思寧朔郡公並為冠軍大將軍左威衛大將
軍愛邪勿寧塞郡公為右領軍大將軍皆賜李氏
又宣宗務綏柔荒遠遣使者抵靈州省其酋長回
鶻因遣人隨使者來京師帝即冊拜溫祿登里囉
汨沒密施合俱錄毗伽懷建可汗乙失鉢孫曰夷
男諸姓多歸之者共推為主夷男不敢當明年太
宗冊拜為真珠毗伽可汗葛祿之在金山北廷者

自立葉護歲來朝久之葉護頓毗伽縛突厥叛酋
阿布思進封金山郡王

按史傳魯魚之訛本夥重以譯音茫昧審證尤
難如此傳載可汗號登里之與滕里羅之與囉
邏羽之與汨汨之與骨密之與蜜俱錄之與句
錄胡祿即一名而參錯紛歧若此要之字殊義
一旦流刊久遠姑仍原文錄以備考

沙陀傳龍朔初以處月酋沙陀金山從武衛將軍

薛仁貴討鐵勒授墨離軍討擊使長安二年進為
金滿州都督累封張掖郡公金山死子輔國嗣開
元二年封其母鼠尼施為鄯國夫人輔國累爵永
壽郡王死子骨咄支嗣從肅宗平安祿山拜特進
驍衛上將軍死盡忠嗣累遷金吾衛大將軍酒泉
縣公貞元中附吐蕃久之與朱邪執宜謀叛靈州
塞盡忠弟葛勒阿波率殘部七百叩振武降授左
武衛大將軍兼陰山府都督執宜朝長安授特進

金吾衛將軍執宜死子赤心嗣賜氏李名國昌預
鄭王屬籍子克用討黃巢收京師功第一進中書
門下平章事隴西郡公尋位檢校太傅隴西郡王
大順初削克用官爵屬籍克用奉表自陳乃復拜
檢校太師守中書令隴西郡王討王行瑜行瑜死
慶州傳首京師帝悉論幕府官屬及諸子功封爵
之克用賜號忠貞平難功臣進封晉王

按準部四衛拉特地于漢屬匈奴右方及烏孫

國車師後王國于唐為突厥西突厥沙陀地茲
考漢詔封單于類順彼國臣民之請唐時山北
受封諸突厥或移內地或助討賊而畫疆分土
之舊自若實未能隸版籍而臣僕之不過遙錫
封號以相羈縻而已

國家版章式廓單于可汗之庭咸歸內地於外域輸
誠伊始優

錫榮封感動殊俗傾心內面接踵相繼狡詐者自即誅

夷忠謹者永承

恩眷至休養十數年仁風普被不阻幽遐久羈異域之
部挈全族以來歸萬里閨闈應同桴鼓為遞稽
興屬之姓氏推驗存亡興替之由愈知

盛世懷柔迥非往代遣行人持使節虛應冊封故事
者可比而於蒙古諸部不遺一類並入鈞陶尤
亘古未有之盛軌矣

欽定皇輿西域圖志卷三十七

欽定四庫全書

吏部

欽定皇輿西域圖志卷

三十八至
四十一

詳校官通政使

臣

夢吉

檢討臣德生覆勘

總校官候補中允

臣

王燕緒

校對官中書

臣

吳樹萱

膳錄監生

臣

褚兆麟

欽定四庫全書

欽定皇輿西域圖志卷五十八目錄

封爵二

哈密屬

土爾番屬

烏什諸城屬

欽定皇輿西域圖志卷三十八目錄

欽定四庫全書

欽定皇輿西域圖志卷三十八

封爵二

哈密屬

康熙三十五年回部伯克額貝都勒拉內附居哈密三十六年以擒準噶爾噶勒丹子色布騰巴勒珠爾功授一等扎薩克編旗分視各蒙古額貝都勒拉卒子郭帕嗣郭帕卒子額敏嗣雍正五年封

鎮國公為受爵之始嗣後世効忠款襲爵因替為
類叙於左

額敏初封鎮國公晉封固山貝子

玉素富額敏子襲封鎮國公累封固山貝子多羅
貝勒多羅郡王

伊斯阿克玉素富子降襲多羅貝勒加郡王品級
按額敏之父額貝多勒拉以擒獻準夷得邀

封錫由是奕世受封玉素富於西師之役從征山南回

部駐守烏什辦事勤奮乾隆二十五年入

覲恩賚有加二十六年

諭與土爾番郡王額敏和卓更番前赴新疆回部駐防
不惟世爵增榮即倚任亦綦重已

土爾番屬

土爾番屬回酋額敏和卓於雍正初年避準噶爾
侵掠遷魯克察克十二年內移瓜州在今安西府
敦煌縣境乾隆十九年從征準噶爾抵伊犁二十

年從征回部得

旨錫公爵為受封之始二十四年還居魯克察克子並以勞績封公逾於世及恒例云

額敏和卓初封鎮國公累封固山貝子多羅貝勒多羅郡王

蘇賚滿額敏和卓子封輔國公

木薩額敏和卓次子封輔國公

按額敏和卓為回部舊人從征西域移駐新疆

與哈密郡王玉素富更番休息

皇上嘉其勞勩錫爵酬勲有子克家

恩施並逮且以功臣圖形

紫光閣

御製像贊華袞增榮迴非尋常內面之侶所能企及矣
烏什諸城屬

乾隆二十年六月

王師抵伊犁達瓦齊竄走定北將軍班第等檄山南諸

回部助擒烏什城阿奇木伯克霍集斯奉檄計擒
達瓦齊而伯克鄂對亦于伊犁平後順時歸附授
散秩大臣從征回部蒙

恩錫爵霍什克伯克等先後封賚有差為類敘于左

霍集斯初授貝子品級尋封固山貝子累封多羅
貝勒多羅郡王

鄂對初授公品級尋封固山貝子加貝勒品級

霍什克伯克封輔國公

額色尹封輔國公

噶岱默特封輔國公

阿什默特封輔國公

漠洎帕爾霍集斯子封輔國公以罪除

莽噶里克封輔國公以叛除

按霍集斯伯克以回部望族於擒獻達瓦齊後
為小和卓木所懾遷延觀釁及我師進討烏什
霍集斯復携衆獻城降偕鄂對隨營効力自黑

水之役堅壁厲志阿爾楚克伊什勒淖爾諸戰
屢著勲能用是圖形

紫光仰荷

丹毫品藻不可謂非識時之傑我

皇上以推置之天懷寓保全之至計且令備藩京邸弗

假事權隱荷

聖主之生成者匪淺鮮已又考回教相傳始于墨克墨
德那諸國今天山南路派噶木巴爾屬為其的

傳繼青吉斯汗屬以君其國者派噶木巴爾四
子俱夭以女妻阿里而傳其教諸回部屬焉至
波羅泥都霍集占為第三十世準噶爾自策妄
阿喇布坦時征服回部執其酋長拘于阿巴噶
斯哈丹部并移所屬回民若干戶至彼為之耕
種我師平定伊犁時其酋長波羅泥都霍集占
獻款輸誠將軍班第等出諸囚繫之中縱還故
土俾撫収山南諸回部並遣副都統阿敏道往

會盟而兩酋狡黠背叛計害阿敏道因移師往討追竄至拔達克山而斃設令兩酋堅心內面且當與霍集斯等並承

渥澤而乃狼心不靖卒就芟夷即負

恩者之自外栽培彌徵効順者之能歸畔覆亦惟人所自為而已霍集斯始祖為莽蘓爾至霍集斯為第六世霍什克伯克始祖為阿錫木至霍什克伯克亦第六世均與派噶木巴爾異族云

漢書西域傳鄯善國本名樓蘭元鳳四年遣平樂

監傳介子往刺其王乃立尉屠耆為王更名其國

為鄯善 屬賓王烏頭勞死子代立遣使奉獻漢

使闐都尉文忠送其使王欲害忠忠覺之延與容

屈王子陰末赴共合謀攻屬賓殺其王立陰末赴

為屬賓王授印綬 莎車國王無子死時萬年在

漢萬年為烏孫公主小子莎車國人計欲自託于漢又欲得

烏孫心即上書請萬年為莎車王漢許之遣使者

奚充國送萬年萬年初立暴惡莎車王弟呼屠徵
殺萬年并殺漢使者自立為王會衛侯馮奉世使
送大宛客即以便宜發諸國兵擊殺之更立佗昆
弟子為莎車王是歲元康元年也

後漢書西域傳

順帝永建四年于寘王放前殺拘

彌王興自立其子為拘彌王而遣使者貢獻于漢

陽嘉元年徐由

敦煌太守

遣疏勒王臣槃擊于寘破之

更立興宗人成國為拘彌王而還 建武五年河

西大將軍竇融承制立康

莎車國王

為漢莎車建功懷

德王九年康死謚宣成王弟賢代立十七年遣使

奉獻請都護帝乃因其使賜賢西域都護印綬敦

煌太守裴遵上言不可假以事權又令諸國失望

詔書收還都護印綬更賜賢以漢大將軍印綬賢

由是始恨而猶詐稱大都護移書諸國諸國服屬

焉號賢為單于 明帝永平十六年龜茲王建攻

殺疏勒王成自以龜茲左侯兜題為疏勒王冬漢

遣軍司馬班超劫縛兜題而立成之兄子忠為疏勒王忠後反畔超擊斬之永元六年都護班超發諸國兵討焉耆危須尉黎山國遂斬焉耆尉黎二王首傳送京師懸蠻夷邸超乃立焉耆左侯元孟為王尉黎危須山國皆更立其王

魏書高昌傳

延昌中以嘉

高昌王
麹嘉

為持節平西將

軍瓜州刺史泰臨縣開國伯私署王如故嘉死子堅立普泰初堅遣使朝貢除平西將軍瓜州刺史

泰臨縣伯如故又加衛將軍至永熙中特除儀同
三司進為邵公西域傳鄯善國王真達降詣京師
世祖厚待之拜交趾公韓牧為假節征西將軍領
護西戎校尉鄯善王以鎮之蠕蠕傳肅宗時封阿
那瓌朔方郡公蠕蠕王賜以衣冕加之軺蓋祿從
儀衛同于戚藩高車傳伊訥王名復國遣使奉表于
是詔遣使者谷楷等拜為鎮西將軍西海郡開國
公高車王

唐書西域傳高昌降俘智盛君臣獻觀德殿行飲

至禮醕三日智盛拜左武衛將軍金城郡公弟智

湛石武衛中郎將天山郡公子昭好學歷司膳卿

弟崇裕有武藝永徽中為石武衛翊府中郎將封

交河郡王吐谷渾降國人立順

順為王長子舊箭于隋為金紫光祿

大為王稱臣內附詔封西平郡王號趙胡呂烏甘

豆可汗為下所殺立其子燕王諾曷鉢詔封河源

郡王號烏地叱拔勒豆可汗與吐蕃相攻諾曷鉢

不支走涼州吐蕃遂有其地諾曷鉢請內徙乾封
初更封青海國王諾曷鉢死子忠立忠死子宣超
立聖歷三年拜左豹韜員外大將軍襲故可汗號
宣超死子曦皓立皓死子兆立貞元十四年以朔
方節度副使左金吾衛大將軍慕容復為長樂都
督青海國王襲可汗號復死停襲焉耆國突騎支
不朝貢安西都護郭孝恪討之執突騎支更以栗
娑準攝國事屈利啜以兵救焉耆因栗娑準更使

吐叱攝王帝曰焉耆我所下爾乃王之耶吐叱懼不敢王焉耆立栗婆準而從兄薛婆阿那支自為王執栗婆準獻龜茲殺之阿史那社尒討龜茲阿那支抗王師為社尒所擒斬以徇立突騎支弟婆伽利為王婆伽利死國人請還前王突騎支高宗許之龜茲佐焉耆社尒圖之數月執王立王弟葉護王其國帝始徙安西都護于其都復封訶黎布失畢為龜茲王王死更立子素稽為王疏勒儀鳳

時吐蕃破其國開元十六年始遣大理正喬夢松
攝鴻臚少卿冊其君安定為疏勒王于闐擊吐蕃
有功以其地為毗沙都督府析十州授伏閣雄都
督元武后立其子璿璿死復立尉遲伏師戰為王
死伏閣達嗣并冊其妻執失為妃死尉遲珪嗣妻
馬為妃珪死子勝立至德初以兵赴難因請留宿
衛乾元三年以其弟左監門衛率葉護曜為太僕
員外卿同四鎮節度副使權知本國事

五代史四夷附錄回鶻當五代之際有居甘州西

州者而甘州回鶻數至唐莊宗時王仁美遣使來貢自稱權知可汗莊宗即冊仁美為英義可汗天成二年權知國事王仁裕遣李阿山等來明宗冊仁裕為順化可汗晉高祖時又冊為奉化可汗晉天福三年于闐國王李聖天遣使來貢冊聖天為大寶于闐國王

宋史外國傳嘉祐八年于闐遣使獻方物以其國

王為特進歸忠保順砮鱗黑韓王咸平四年回鶻

可汗王祿勝遣使曹萬通來貢特授萬通左神武

軍大將軍天聖元年甘州夜落隔通順遣使來貢

六月詔甘州回鶻外甥可汗王特封歸宗保順可

汗王興國五年贈元忠

沙州帥曹元忠時已卒子延祿遣人來貢燉煌

郡王授延祿本軍節度咸平四年封延祿為譙郡王

明史西域傳哈密昂克特穆爾

舊作安克帖木兒今改正來朝

貢請封乃封為忠順王死以兄子托克托

舊作脫脫今改

正為王卒封托克托從弟托里特穆爾

舊作兔力帖木兒今

改正為忠義王賜印誥王帶卒命故王托克托子布

達錫里

舊作卜答失里今改正

嗣忠順王布達錫里年幼命

托歡特穆爾

舊作脫歡帖木兒今改正

嗣忠義王同理國事正

統二年托歡特穆爾卒封其子托克托特穆爾

舊作

脫脫塔木兒今改正

為忠義王未幾卒已而忠順王亦卒封

其子德幹達實里

舊作倒瓦答失里今改正

為忠順王天順元

年德幹達實里卒弟布拉噶

舊作卜列革今改正

遣使告哀

即封為忠順王四年王卒國人請立巴圖穆爾舊

把塔木兒
今改正

以王母不肯無王者八年乃擢巴圖穆

爾為右都督攝行國王事賜之誥印成化八年巴

圖穆爾子哈森

舊作罕慎
今改正

以父卒請嗣職帝許之

而不命其主國事十年乃命哈森權主國事弘治

元年從其國人請封哈森為忠順王土爾番阿哈

麻

舊作阿黑
今改正

誘而殺之五年立善巴

舊作陟巴
今改正

為

忠順王賜誥印冠服六年阿哈麻執善巴十一年

善巴仍舊封還哈密十八年冬善巴卒其子巴雅

濟

舊作拜牙
即今改正

自稱素爾坦

舊作速檀
今改正

命封為忠順王

按回部居天山南為漢三十六國唐四鎮地其
時雖間受中朝冊封佩印綬而地不歸於版索
戶不上於司農國既叛服不常王亦廢立無定
五代以降聲教漸淪山北回鶻散處山南偶或
冊名可汗而衰弱已甚遠者惟于闐通使虛錫
封號他無聞焉明代經營遺迹止在哈密中間

倉猝多故至無王者八年更安能長駕遠馭訖
萬里之遙列五等之位乎稽昔回部酋長惟青
吉斯名汗餘則槩稱和卓若王公諸爵亦均未
著於和通嗣世之餘茲以

聖化之遐敷致天方之來格舊藩新附並列冠裳而且
炳黜烈於丹青荷品題於

藻翰豈非千古一時為往牒所罕能儷美者哉

附準部回部諸爵官屬祿制

汗親王官屬

頭等護衛職銜花翎長史一員

頭等花翎護衛六員

二等藍翎護衛六員

三等藍翎護衛八員

四五品頂帶典儀二員

郡王官屬

頭等護衛職銜花翎長史一員

頭等花翎護衛六員

二等藍翎護衛四員

三等藍翎護衛五員

四五品頂帶典儀二員

貝勒官屬

二等護衛職銜藍翎長史一員

二等藍翎護衛二員

三等藍翎護衛四員

五六品頂帶典儀二員

貝子官屬

三等藍翎護衛六員

五六品頂帶典儀二員

公官屬

三等藍翎護衛六員

七八品頂帶典儀二員

汗歲俸銀二千五百兩幣四十

親王歲俸銀二千兩幣二十五

郡王歲俸銀一千二百兩幣十五

貝勒歲俸銀八百兩幣十三

貝子歲俸銀五百兩幣十

鎮國公歲俸銀三百兩幣九

輔國公歲俸銀二百兩幣七

按凡給雙親王俸者官屬倍增世子歲俸銀一

千五百兩幣二十餘如扎薩克頭等台吉歲俸

銀一百兩幣四官屬不具不在列爵之數云

欽定皇興西域圖志卷三十八